

# ESPERANTO-MIDI-PYRENEES (FEDERACIO) JARRAPORTO DE LA JARO 2012-2013

## 1. Regiona kunordigado

---

Membraro (klubo, individuoj) kaj evoluo...

Federaciaj kunsidoj, kongresoj...

Rilato kun UFE, partopreno en landaj instancoj (ekz. interfederacia konferenco)...

**La membraro** iomete kreskis de 109 ĝis ? (12 el CEEA, 96 el EKC, kaj ? individuaj membroj de ufe, sed deko da membroj estas en pluraj listoj aŭ ne loĝantoj de la regiono).

**Nia jarkunsido** okazis la 14/12/2012 en Foix, okaze de la Zamenhof-festo. Partoprenis 12 personoj, el 3 departementoj.

La asocio ne estis reprezentata dum la 3 **ufe-komitatkunvenoj de 2013**

Pri **Tarn Esperanto**, okazis Jarkunveno por revivigi la asocion en oktobro. Michel Raportos. Tarn Esperanto iĝis Esperanto Tarn, kaj kunsidas nun en Lavour, kun 5 esperantistoj de Lavour. Ili projektas fari kurson en Lavour, ankoraŭ ne trovis taŭgan lokon. Ili ankaŭ planas partopreni al « biocybèle » kaj aliaj asociaj forumoj.

Pri **Laborgrupo**, ne sukcesis labori laŭ la plano kaj ne finis la laboron. Raportos la ĉeestontaj membroj dum la jarkunsido.

## 2. Informado kaj komunikado

---

Federacia gazeto, federacia retejo...

Informa materialo...

Informado en diversaj medioj (foiroj, lernejoj, ktp.)...

Partopreno en landskalaj kampanjoj...

Nia asocio havas **informbultenon kaj retejon**.

Aperis nur unu numero (januaro) de la « Cirkulero de Midi-Pyrénées », interna bulteno, sendita kutime rete (papere al tiuj sen retadreso). Tiu ĉi estis sendita al ĉiuj membroj, kune kun la Krokodil' de EKC, nia asocio pagis por la printado, EKC por la sendo.

Niaj retaj paĝoj kuŝas nun en la portalo de Esperanto en Midi-Pyrénées. Estas paĝoj pri la federacio, paĝoj laŭ departamento, komunaj paĝoj kaj aparta blogo por la Cirkulero. En la cirkulero, publikiĝis deko de Artikoloj en 2013. Marion respondecas pri ĝi. La adreso estas <http://Esperanto-midipyrenees.org>

**Nia Ekspozicio de 12 paneloj** « Diversité des Langues et Espéranto » estas unufoje jare uzata de André Andrieu en Aveyron kaj nuntempe kuŝas tie.

La lokaj asocioj prizorgis **standojn en diversaj manifestacioj**:

- Forumoj de Lingvoj kaj de asocioj en Tuluzo (10), Ariège, Aveyron, kaj Tarbes.
- Organikaj foiroj (Tarn, Montauban, Tuluzo, Muret)
- Libro-foiroj en Aveyron.
- Lernejoj (en Ariège kaj en Aveyron), Universitato (Toulouse).

Okazis 2 « Ateliers de decouverte » en Auterive kaj Revel kaj fulma prezento al centoj da studentoj de IUT.

**Radioelsendoj** pri esperanto okazas regule en Tuluzo, tamen ne dum kelkaj monatoj printempe. Marion ekde septembro zorgas pri ĝi preparante la elsendojn hejme. Ankaŭ regule okazas elsendoj en Villeneuve d'Aveyron pri kiuj zorgas André Andrieu. La elsendoj de Tuluzo povas esti interrete aŭskultataj ĉe <http://canalsud.net>, tiuj de Villeneuve ĉe <http://cfmradio.fr>.

**Projekto de Christophe por konigi esperanton** en la departementoj sen asocioj.

### **Malkovro-metiejo en Kadurko**

La Junul-Kultur-Domo de Kadurko refoje akceptis la proponon de Christophe animi metiejon por malkovrigi Esperanton en ilia lokalo, la 25an de majo 2013. La nombro de partoprenantoj estis modesta (4 personoj) sed la interŝanĝoj interesaj. La direktisto proponis refari intervenon parolante pri la eblo aranĝi unutagan staĝon por komencantoj. Tiu staĝo estas okazonta en marto 2014.

### **Informo-stando en la organika foiro de Montalbano**

Biosynérgie, organika foiro de Montalbano, okazis la dimanĉon 22an de septembro. La ĉeesto de nia stando estis tre rimarkita danke al kakemono lokita ĉe unu el la ĉefaj cirkulvojoj, proksime de la trinko-budo. Okazis du publikaj inicoj ĉe la stando, matene kaj post-tagmeze (6/7 partoprenantoj), kaj lasis sian kontakton pluraj personoj. Loka korespondanto de la revuo "Silence" lasis sian karton proponante ke ni rekontaktu lin por provi aperigi artikolon.

### **Repago de kostoj**

Entute el la provizitaj 250 € de 2 jaroj Christophe elspezis por tiuj du agoj 118,17€

## **3. Instruado kaj ekzamenoj**

---

[Kursoj, staĝoj, nombroj da lernintoj...](#)

[Ekzamensesioj federaciaj aŭ klubaj, nombro da ekzamenitoj...](#)

**Kursoj** regule okazas iniciate de lokaj grupoj : Tuluzo (du sessemajnaj kursoj), Auterive (1 sessemajna kurso), Ariège ? (Mirepoix, Laroque d'Olme, Foix, Verniolle (dufoje monate), 1 kurso en Hautes pyrénées (ĉiusemajne en Banjero de Bigoro aŭ tarbo).

Gvidata memlerna kursoformulo nomita « **formation Lernu** » (distance + kolektiĝo) estis starigita de EKC kun 14 partoprenantoj dividitaj laŭ du niveloj. La plimulto el ili loĝis ekster Tuluzo, en 3 departementoj (Tarn, Tarn-et-Garonne kaj Haute-Garonne). La bilanco estas duonbona (multaj rezignoj, precipe je la porkomencanta nivelo) sed la formulo ŝajnas tamen promesoplena, se oni plibonigas ĝin.

Tri **semajnfinaj kursoj** okazis sukcese en Arrout (Ariège), organizitaj de EKC (inter 18 kaj 25 partoprenintoj). Unu tuttaga kurso por komencantoj okazis en Revel (EKC).

EKC organizis **KER ekzamenon, samtempe kiel en 28 urboj kun homoj de la tuta regiono kaj unu el Beziero**. (Estas de nove planita tutmonda ekzameno la 17-an de majo 2014).

#### **4. Kulturo kaj aranĝoj**

---

La **tradicia Zam'fest** (13 et 14/12) kunvenigis kvindek da esperantistoj el la regiono en Foix, por festmanĝo, foiro de asocioj, libroservo, koncerto de Vjera.

**Koruso staĝo en La Bastide/l'hers** (Ariege)- En marto. La CEEA organizis sian tradician 19-an korusosemajnon, sub gvido de la bulgarino Zdravka Lepne, kun 25 partoprenantoj.

**Turneo de Eddy Raats** : Prelego en Tuluzo en oktobro 2012

**Turneo de Mikhael Bronstein** : Januaro (Koncert prelego en Tuluzo, kaj diversaj aranĝoj en Arieĝo)

**Koncerto de Karmen** en novembro 2013 en Lavelanet (CEEA)

**Turneo de Ĝoja** : en novembro (pluraj aranĝoj en Arieĝo kaj en Auterive (31)

**Prelego pri SAT** en novembro kun Robin' en Tuluzo (EKC) kadre de « Semaine de la solidarité internationale »

Regulaj renkontiĝoj por praktiki la lingvon en Tuluzo, (Lingva Kafejo, manĝo-klaĉoj...), kaj babilmanĝoj en Arieĝo, en Auterivo, en Tarno.

Marion Quenut